

**Avgvstini Valerii, Veronensis Episcopi, De Rhetorica
Ecclesiastica Libri III. Perqvam Ervditi**

Valiero, Agostino

Coloniae, 1582

De vitandis peccatis alienis. Cap. XVII.

[urn:nbn:de:hbz:466:1-69050](#)

minabit, pusillanimus, atq; etiam malitia & magistrum:
eos, qui hoc laborant vitio, indignos esse nomine homi-
nis; cum ad agendum, & contemplandum, ac etiam ad
laborem procreatis simus: nihil magis studere satanam,
quam ut animas otiosas inueniat, eas ut in suam tyranni-
dem redigat.

De vitandis peccatis alienis.

Cap. XVII.

CO M M E M O R A B I T sèpè maximè fugienda
vilia peccata, quæ aliena vocantur: propriea, quòd,
cum ab alijs committantur, nobis etiam nocent: quoniam
aliqua ratione illis communicamus. Porrò communicant
peccatis alienis homines, consilio, iussione, consensu, irri-
tatione, laudatione, siue adulazione, reticètia, conniven-
tia, rei alienæ participatione, prava facti defensione.
Peccant consilio, qui alicuius sceleris committendi sunt
vel auctores, consultores, vel ministri, ut fuit Achytophel:
quo improbo & infelici consiliario Absalom in patrem
coniurando, usus est. Consilio peccant, qui in perniciosa
arte versantur, hortantes homines ad singulare certa-
men, ad vltiscendas iniurias; cum nulla possit esse nobi-
lior victoria, quam seipsum vincere: eadem ratione pec-
cant, qui hortantur alios ad libidinem, ut lenones, vilis-
simum hominum genus. Iussione peccauit David, homo
alias secundum cor Dei, cum iussit Uriam interfici, ut eius
vxore potiretur. Consensu peccauit Pilatus in nece Do-
mini nostri I E S V C H R I S T I. Peccant innumerabi-
les homines, putates, quia ipsi à peccatis se abstinent, et si
alijs consentiant peccatis, minimè peccare. Quare illæ
audiuntur voces: Sua res agitur, nihil ad me, ipse viderit.

C 2

Doce-

Docebit Ecclesiasticus orator, peccare eum, qui, quātum
in se est, peccātibus non aduersatur. Irritatione peccauit
vxor Beati Iob, cum ei varijs calamitatibus oppresso di-
xit, Benedic Deo & morere: in quod peccandi genus in
primis solent incidere irrisores, qui deterrendi sunt ex-
emplo illorum, qui Elisaum prophetam irriserunt. Adu-
latione maximè peccatur, nam dulce venenum est adu-
latio: & nihil mortalium auribus accidit suauius, quām
propriarum laudum cantilena: ita vt interdum eas lau-
des admittant homines, quibus se indignos faterentur.
Latè patet hoc vitium in Rebus publicis, & in opulentis
ciuitatibus, in primis in aulis principū: & vtinam inter
sacerdotes, & clericos non reperirentur multi, ad assen-
tationem eruditii; qui Præpositos, & Episcopos suos, cum
quibus liberè admodum deberent agere, plerunque non
deciperent; blanditijs, & adulationibus, eorum sèpè zé-
lum nō retardarent. Reticentia peccant, qui cùm repræ-
hendere deberent, tacent: non obseruant verba illa pro-
phetæ, Clama ne cesses, annuncia populo meo sceler a eo-
rum qui locus et si ad eos spectat sermones, qui haberi so-
lent in synodis, interdum tamen est explicandus, vt assue-
scat populus, non molestè ferre reprehensiones parocho-
rum suorum; diligat potius, quemadmodum æquitas po-
stulat, monentes. Hunc locum explicans Ecclesiasticus
orator, occasionem nanciscetur hortandi homines, vt si
quem hæresis labe infectum cognoscunt, eum deferant:
nè peccato alieno, silentio communicent. Connuentia, &
indulgentia peccare consueuerunt magistratus, tum Ec-
clesiastici, tum ciuiles, qui auram popularem sectantur.
Quo in genere parentes, et præceptores maximè peccat:
quis

qui admonendi sunt, ut filiorum suorum peccata castigent, nè à Deo puniantur, quemadmodum punitum esse Heli sacerdotem sacræ testantur literæ. In parentum numero collocauimus præceptores, cùm ad illos pertineat, discipulos paterno amore diligere, & illos quodammodo gignant, cùm in eorum animis optimarum rerum cognitionem imprimant. Participatione peccat, qui ad perpetranda peccata se socium adiungit; quemadmodum peccauit Aaron Moysis frater, cùm ipse, & populus Israelicus vitulum aureum in deserto construxerunt. Quo in peccandi genere grauißimè peccare solent coniuratores, & conspiratores: cuiusmodi fuerunt fratres Ioseph, qui in ipsum conspirauerunt. Defensione peccant, qui in foro alienas causas iniustas, vel lucri, vel amicitia causa, tueruntur: quod magnum scelus rationibus multis fugiendum esse demonstrabit.

De vitandis peccatis in Spiritum sanctum, & de clamantibus in cælum.

Cap. XVIII.

MA X I M E autem vitanda Christiano populo inculcabit Ecclesiasticus orator peccata in Spiritum sanctum. hæc autem sunt, desperare de diuina bonitate, agnitam veritatem impugnare, fraternali charitati inuidere, obstinato, & impœnitèti animo in peccatis perseverare: quæ acriter reprehendet; quandoquidem neq; in hoc seculo, neq; in futuro remittuntur. Clamare quedam peccata in cælum commemorabit: Homicidium voluntarium, vitia contra naturam; pauperum, viduarum atque pupillorum oppressionem; & mercedem operario-